

UMS fokus dalam bidang akuakultur

► Pastikan industri akuakultur bantu tingkat ekonomi negara

KOTA KINABALU: Universiti Malaysia Sabah (UMS) menginginkan industri akuakultur di negeri ini setanding dengan negara maju melalui peranan, aktiviti dan usaha yang dilakukan Institut Penyelidikan Marin Borneo (IPMB).

"Kita sedang bekerja keras untuk memastikan industri akuakultur di negeri ini memberi pulangan serta membantu meningkatkan ekonomi negeri dan Malaysia melalui projek penyelidikan akuakultur yang sedang dijalankan," kata Pengarah IPMB Prof Dr Rossita Shapawi.

Beliau berkata projek penyelidikan yang dibayai di bawah Skim Geran Penyelidikan Khusus berjumlah RM5 juta daripada Kementerian Pengajian Tinggi (KPT)



ROSSITA (kiri) menunjukkan spesies timun laut kepada pemberita di Pusat Penternakan UMS.

itu membabitkan tujuh komponen dan tujuh kumpulan pelajar daripada fakulti berkaitan.

Tujuh komponen itu ialah penyelidikan kerapu hibrid, proses penetapan kualiti benih, pemberian

timun laut, penyelidikan kupang, kemahiran aquakultur bersepada, keberkesanannya aquakultur terhadap kelestarian alam sekitar, serta pandangan dan adaptasi penduduk pesisir pantai mengenai teknologi

“Kita sedang bekerja keras untuk memastikan industri aquakultur di negeri ini memberi pulangan serta membantu meningkatkan ekonomi negeri dan Malaysia melalui projek penyelidikan aquakultur yang sedang dijalankan,”

PROF DR ROSSITA SHAPAWI
Pengarah IPMB




SHAHRIL ketika merasmikan Bengkel NRGS di UMS.



PARA pemberita ketika melawat Pusat Penternakan Kerapu Hybrid.



BERGAMBAR kenangan bersama para penyelidik daripada tujuh fakulti.



TIMUN laut antara kajian yang dilakukan di UMS.

akuakultur.

"Penyelidikan bidang aquakultur yang bermula pada 2014 itu telah memasuki tahun keempat dan dijangka siap pada penghujung tahun depan," katanya selepas menghadiri Bengkel mengenai Spesies Nilai Tinggi Akuakultur Ekologi, di sini pada Jumaat.

Rossita berkata, pihaknya bertanggungjawab menghasilkan satu laporan penuh untuk dihantar kepada KPT, selain berkongsi hasil penyelidikan melalui seminar kepada masyarakat

setempat.

"Selain menerbitkan jurnal akademik berkaitan aquakultur, kami turut mengadakan perbincangan bersama kerajaan negeri mengenai hasil kajian yang telah dilakukan," katanya.

Menurutnya, dalam pasang surut industri aquakultur itu dan kehairahan menghasilkan pelbagai jenis ikan, mereka juga sangat mengambil berat tentang impak industri terhadap alam sekitar.

"Kita akan melakukan secara bertanggungjawab



PAPAN tanda yang menunjukkan kerjasama antara UMS dan Kindai Aquaculture Development Centre.

supaya 50 tahun akan datang kita masih dapat menikmati sumber yang sama dan secara keseluruhannya kita menuruti semua disiplin yang perlu.

"Jabatan Perikanan sangat banyak membantu dari segi fasiliti sebab bila kita menghasilkan sesuatu di makmal, kita juga perlu cuba melakukannya di persekitaran yang benar untuk mendapatkan keputusan yang tepat," katanya.

Dalam pada itu, Timbalan Naib Canselor (Penyelidikan dan Inovasi) Prof Dr Shahril Yusof berkata UMS menyatakan bahawa bidang tujuan yang akan dikuasai oleh universiti itu adalah bidang aquakultur kerana kesesuaianya di Sabah yang terkenal dengan hasil laut marin.

"Tujuannya adalah untuk fokus dalam bidang aquakultur dari segi pembibitan dan makanan anak-anak ikan manakala secara koronisif dari segi kesan kepada masyarakat, industri dan sebagainya," katanya.

Tambahnya, bantuan daripada KPT itu dapat melonjakkan lagi bidang aquakultur di mana UMS adalah yang terkuat dalam bidang itu.

"Jadi selain pengeluaran

anak-anak ikan, makanan ikan juga perlu dicipta untuk memantau industri penternakan, jika tidak kita terpaksa import makanan dan ia akan mengekang proses untuk menguasai pasaran," katanya.

Menurut Shahril, UMS juga menubuhkan Rakan Akuakultur yang akan mendekati komuniti setempat untuk memberi latihan tentang bagaimana menjaga pembibitan dan sebagainya.

"Kita tidak mahu lihat kajian yang dibuat berakhir dengan hasil master atau Phd tetapi kita hendak lihat sumbangannya kepada masyarakat khususnya di Sabah."

"Ini penting kerana kita ingin lihat aquakultur ini dapat menstabilkan produksi ikan di dalam negeri dan juga untuk eksport," ujarnya.

Jelasnya lagi, UMS akan menghantar 30 pelajar ke Kindai Aquaculture Development Centre di Jepun untuk menjalani latihan selama 10 minggu.

UMS dan Kindai Aquaculture Development Centre mempunyai hubungan yang baik dan telah menjalankan kerjasama dalam bidang aquakultur sempenjak 15 tahun yang lepas.